

De vita et morte, utriusque item adjunctis et causis. Disquisitio medica / praeside ac moderatore Emmanuele Stupano ... ingenii exercendi gratia, ad d. ... Maii a Iohanne Pfannero.

Contributors

Stupanus, Emmanuel, 1587-1664.
Pfanner, Johannes.

Publication/Creation

Basileae : Typis Johan. Schroeteri, Ann. M.DC.XXVIII. [1628]

Persistent URL

<https://wellcomecollection.org/works/btqu6brw>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

19
20

DE
VITA ET MORTE,
UTRIUSQUE ITEM AD-
JUNCTIS ET CAUSIS.

DISQVISITIO MEDICA,
PRÆSIDE AC MODERATORE
Clarissimo & Excellentissimo
VIRO,

DN. D. EMMANUELE STUPANO,
PHILOSOPHO ACUTISSIMO, ET MEDICO
Theorico, in pervetusta Rauracorum Academia
Professore celeberrimo, Præceptore suo
Parentis instar æternum
colendo.

SVPERVM AVSPICIIS, ET INDVLTV
Magn. & Grat. Medicor. Basileens.
Collegii,

Ingenii exercendi gratiâ,

ad d. 7. Maii

à

IOHANNES PFANNERO,
VIENN. AVSTRIACO.

APOLLINEAE PROLI
exhibita & objecta.

Non vivere, sed valere Vita est. SOCRAT.

Basileæ, Typis Johan. Schroeteri.

Ann. M. DC. XXVIII.



VENERANDA CANITIE
VERA PIETATE ET PRUDENTIA
singulari, conspicuo Viro integerrimo:

D N.

JOACHIMO PFANNERO

SENIORI, QVONDAM VIENNENSIVM

Senatori Amplissimo, nunc Ulmæ degenti,

PARENTI MEO ÆTERNUM

Reverendo, suspiciundo:

Hancce Thesium Medicarum Centuriam

SUBMISS. ET OBSERVANTISS. ANIMI

INDICEM SACRAM ESSE OPTAT.



N, offero tibi PATER *observande*, studii mei Medici primitias, & quale quale lucubrationum, progressuumq; meorum specimen: *serum* forsitan, at cultus in te mei testimonium *serum*, affectusq; mei in te filialis obsidem religiosam: Exile fateor donum, si cum illis, quibus ab incunabulis cumulaſti me, & plenâ manu cumulare pergis identidem, conferatur beneficiis & officiis: *in quo* hercle si quid formæ, si quid virium, si quid gratiæ, si quid iudicii est & ingenii, id muneris tui est universum: Per TE enim hac ipsâ luce (*singulari DE I beneficio*) fruor; Nec vivo duntaxat per te, & valeo, sed magnâ sanè curâ tuâ, tuo studio & labore tuo educatus; munificentia tuâ in *florētissimæ* GERMANIÆ *Academiis* præstabiliū scientiarum sacris initiatuſ, in iisdem etiamnum *incolyto* hoc RAVRACVM in *Athenæo*, formari me, firmarique percuras munificentissimè: Nec in cassum spero fiet id, indulgeat modò vitam DEVS, ac gratiæ scientiæque incrementa omnis *Scientia* *Sapientia*q; inexhaustus fons, *Luminum* PATER benignissimus largiatur. *Quem*, ut grandævum te, tuosque, meos immò, calamitosissimo hoc in Reipub. & Ecclesiæ statu, inexhausta bonitate, & benignitate, ad extremum usque vitæ halitum, complectatur; & tandem CHRISTI merito partâ, vitâ æternâ bect, supplex veneror. AVE & VALE PATER *observande*.

Scripsi BASILEÆ, currenti calamo, Calendis
Maii, Anno à partu Virginæ 1628.

Amplitud. Tuæ Obsequentiss. Filius

JOHANNES PFANNERVS
A. & R.



THESIS PRIMA.

Sicuti mors omnium ultima linea rerum: Malum, quo non terribilius ullum: lib. 3. Ethic. c. 6. *ita vita hæc, per se & natura sua (aliud Bonum nullum eam consequatur quanquam)* Bonum ingens, l. 9. Eth. ad Nicom. c. 9. ab universo animantium ordine expetitur unicè, protegatur studiosissimè. l. de sens. & sensib. Num ergo homo, vitæ avidissimus, per quæ vivat, non meditetur? opprobrium foret

II.

Vita (*ut à Definitione ordiar*) Animæ & corporis animati, ab utriusque illius unione dependens, est actus, & exercitatio. l. 2. de anim. c. 5.

III.

Mors econtrà omnium animæ functionum (*propter illius ex corpore discessum & compositi dissolutionem*) abolitio est & omni-modà cessatio. Ibidem.

IV.

Alii: *causali Definitione* describunt Vitam, quòd sit caloris nativi, cum humido radicali conjunctio, & in corpore permansio. Mortem autem quòd sit caloris insiti extinctio, & à radicali humido divulsio.

V.

Actus nomine, nō tam ipsas actiones & opera quàm vigorem & vim, à qua opera promanant quasi, intelligere oportet.

VI.

Insuper Animæ & hujus ergastuli connexus, adeò ad vitam necessarius, ut sine illo, Vita, ne tantillum quidem subsistere possit.

VII.

Anima cum primùm ad corpus accedit, præstò est vita, quo momento à corpore secedit, interit vita.

IX.

Vinculum autem & copula Animæ cum Corpore, præter

ipſos Spiritus, Caloris nativi & humidi nobis complantati, jucunda exiſtit ſymmetria.

IX.

Vita enim (*reliquæ qualitates primæ, tametsi & ipſa ad vitam neceſſariæ*) cum primis in Calido & (*hujus pabulo*) Humido inſito conſiſtit, eorundemque propter interitum & conſumptionem, interit.

X.

Hinc videmus omne animatum corpus vivens, ab ortu ſuo calidum eſſe & humidum. l. 2. de anim. tex. 48. Caloris in ſuperminifterio omnes vitæ procurari functiones, in conſeſſo eſt.

XI.

Denique Calido & Humido *vigentibus*, florere & vigere, languentibus autem marceſcere & ad exitium præcipitari *viventia cuncta*. Ib. d.

XII.

Quod ipſum Poëta ſequentibus ſcitiffimè docuit:

*Ergo quòd hoc vivunt vivunt quæcunque ſub orbe
Seu ſtirpes, ſeu ſint homines; animalia ſeu ſint
Spiritus intùs agens, & vis innata caloris
Hic calor, hic unus vitam fovet, atque per omnes
Infuſus partes latè dominatur: at idem
Ipſe ſibi ſolito pariter nutrimine gaudens
Paſcitur, & victu vires conquirat amico
Humor hic eſt ſubſtantificus, ſimilaribus intùs
Partibus adfuſus, pinguis, multoq; reſertus
Aëre, qui donec calidum fovet, ipſa fovetur
Vita calore ſuo, verùm illo depereunte
Hic perit, & vitam permutans morte, recedit.*

XIII.

Porro tùm calorem tùm humiditatem primigeniam (*vite duces & moderatores benigniſſimi*) neceſſum eſt temperatam & moderatam eſſe.

XIV.

Nimirum Calor naturæ ſuæ mitis & blandus, fomento velut & pabulo non quolibet, nec quantocunque ſanè haud pauco, nec craſſo aquoſove, ſed proportionato ſibi, naturæq; ſuæ analogo,

logo, tenui, spirituofo pingui & oleofo, fufientatur & confer-
vatur.

XV.

Quale, à femine, & fanguine menftruo, generationis noftræ
principiis obortum, à primo ftatim ortus noftri momento toti
corpori noftro, omniq; hujus particulæ inefle deprehenditur.

XVI.

Humidum requiritur *primò* copiofum, *exquifitè* dehinc tem-
peratum, *inſuper* pingue, ab excrementis defæcatum probè, &
maximè elaboratū, ipſiq; putredini quàm minimè obnoxium.

XVII.

Copiofum, dixi, hinc majora animalia, majoresq; plantas,
maximâ ex parte, minoribus vivaciores novimus, *quod ibi*, ma-
jus ſpatium *quàm hic*, calori nativo, ad depaſcendum humidum
concedatur.

XIIX.

Inſuper in univerſo ferè animantium genere, maribus lon-
giorem vitam Natura conceſſit, quàm fœminis, quòd illi, hiſ,
& calidiores ſunt, & magis ſucculenti.

XIX.

Quòd enim mares, citiùs interdum occumbant, quàm fœ-
minæ, illud non niſi ex accidenti propter intervenientes *tàm*
animi *quàm* corporis motiones, injuriasq; externas fieri pu-
tandum, ita ut iidem, hæce ſi devitarent modò ſtudioſius, ju-
ſtam ætatem facile conſequi poſſent.

XX.

Neque verò ſatis eſt ut luxuriet, ſed inprimis ut à ſordibus
dèpuratum humidum, ſymmetrum ſit & pingue, requiritur.

XXI.

Primum quòd pingua quæ ſunt, de Aëris quoq; & Ignis na-
tura plurimùm participantia, putredini quàm reſiſtunt poten-
tiſſimè; nec facile exiccati poſſunt & concreſcere.

XXII.

Deinde cùm per experientiam conſtet homines, grandiora
animalia quàm plurima, (*humidi radicalis minorem quidem mo-
rem, majorem autem eucraſian. ſubſtantiaq; ſubtilitatem quia obtinent*)
longævitate multis modis ſuperare.

XXIII.

Adeoq; humidi connati nobis largioris defectum, ac quantulamcunq; copiam, ejusdem qualitatum moderatione & benignitate, compensari quàm efficacissimè.

XXIV.

Pariter in confesso est, propter adductam rationem, Aquatilia brevioris vitæ esse, quàm Gressilia.

XXV.

Excrementorum ad hæc, *Pituita cum primis & Melancholia*, in corporibus luxuriam, subitanæ mortis causam existere, & *bile flavâ* quotquot carent animantia (*cujusmodi sunt, Cervus, Delphinus, Camelus*) quàm-maximè longæva esse, docent Philosophi naturales.

XXVI.

Ex temperamentis denique & hominum naturis, vivaciores, eas quæ temperatæ & ad calidum ac humidum modicè inclinant, *videlicet sanguineæ*; Ab hac econtrà quæcunque procul recedunt, brevioris esse ævi, quàm certissimum est.

XXVII.

Cholerica enim constitutio humidi parum obtinet, calidum habet acre & mordax.

XXIX.

In Phlegmatica, Calidum minori quàm convenit adest copia, Humidum autem est aquosum fluidum.

XXIX.

Melancholica complexio, frigida sicca, utraque qualitate sua, vitæ principiis quàm est adversissima.

XXX.

Enimverò natus calor, ad Radicale humidum, cum perinde ac flamma ad oleum seu sævum habeat sese; & proinde in perenni fluore positus, continua indigeat per alimentum paranda restauratione: *sicuti etiam flamma subinde affuso oleo, foveri debet*: hinc quanta ad vitam conservandam, Nutritionis existat necessitas, quàm est apertissimum.

XXXI.

Unde rursum scitè Poëta dicit;

Sed calor innatus, quia depopulatur abunde

*Humida primigeni succi fundamina, & omni
Tempore transpirat, toto se corpore fundens
Halitus, hinc opus absumentum quo grata liquorem
Restituant alimenta, suoq; humore priorem
Humore irrorent.* ———

XXXII.

Alimentum, quò naturæ nostræ familiarius, ac corporis nostri substantiæ similis, eò ad defluxum hunc reparandum, & ad ipsius vitæ tutelam, est accommodatius.

XXXIII.

Necessum ergò, intrò sumpta, converti in chylum, hunc, Hepatis vi mutari in sanguinem, Sanguinem postea, gradatim elaboratum, in humorem alimentalem (*quem adquisitum vocant*) abire, qui tandem quod de humido radicali, à calore interno simul & extraneo consumptum est, refarcit jugiter & reponit.

XXXIV.

Quo posito haud injuriâ quæritur, *nunquid hac ratione, Vita præsens in perpetuum protrahi queat?* Ubi notandum, fieri hoc neutiquam posse: Cùm in consumpti humidi locum, quæ succedunt, ab iis quæ evanescere, integritate deficientia: & ipsis longè deteriora, ac perfectè assimulari nequeuntia, insitum humidum còinquant.

XXXV.

Hinc fit, ut tandem, idoneo instrumento calor destitutus, ad interitum vergat, ipseque animalis subsequatur interitus.

XXXVI.

Ex quibus jam liquet opinor, ad vitam & vivacitatem plurimum momenti habere sex res non naturales: cujusmodi sunt, *Aër, Cibus & Potus, Motus & Quies, Somnus & Vigilia, Excreta, Retenta, Animi pathemata denique.*

XXXVII.

Uti enim recto & legitimo illarum usu, fovetur; ita earundem abusu & vitio, Vita vitiatur, ejusdemq; abrumpitur filum.

XXXIX.

Conferunt imprimis cœlestium corporum influxus, variiq; syderum aspectus: *cùm enim inferior mundus: lationibus quæ in obliquo circulo, Zodiaco fiunt, gubernetur, hinc non est*
dubium

dubium, quin *nunc* beneficæ, *nunc* adversæ qualitates, viventibus impressæ, hæc *aut* vegetent, *aut* ad interitum agant.

XXXIX.

Qualitatem Soli, Regionisque constitutionem, quod attinet: constat propter cœli terræque clementiam, homines esse quàm vivacissimos, & maximè vegetos.

XL.

In universum, certum est, quæ calidas incolunt regiones, animalia, diutiùs vivere, quàm quæ in frigidis degunt locis & palustribus.

XLI.

Eadem de causa etiam salubriores, & ad vitam protrahendam aptiores videntur Regiones sublimiores, spiritu & aëre, undique afflari solitæ.

XLII.

Immò & civitatum, domorum, & conclavium diversi situs, diversitatem salubritatis, diversumque vitæ statuunt terminum.

XLIII.

Oriens tenuem, subtilemque reddit aërem, Occidens crassum, & Plagæ septentrionales, frigidiores sunt minusque salubres, meridionalibus.

XLIV.

Siccam pariter, anni temporis, aerisque constitutionem novimus salubriorem longè, quàm ipsa est pluviosa: *In hac siquidem* humorum summam ob colluviem, indies accrescentem, putredines frequentissimas oboriri, & nativum calorem facile obrui, contingit.

XLV.

De alimentis quantum valeant, ante monui, quibus & sequentia addimus.

XLVI.

Optimam hîc esse Temperantiam, deterrimam *tum* Ingluviem & Crapulam, *tum* Ciborum indigentiam.

XLVII.

Hæc, perpetuò enim in motu consistens calor, alimento deficiente, in ipsas agit superfluitates, & substantificum depopulatur

pulatur humidum, unde ipsum ante diem interitum, subsequi
necessum est: *haud aliter ac lucernæ flamma, oleo parcius affu-*
so, extinguitur.

XLIIIX.

*Ill*a, nativum obruit & planè suffocat calorem, omnisque ge-
neris morbos, pestiferasq; furias inducens: Lethi corripit gra-
dum, unde etiam *eandem illam Medicorum nutriculam*, scribit Cel-
sus, longè plures interficere, quàm gladium.

XLIX.

Econtrà Diætæ studiosi, ob expeditissimam caloris operam:
& durabiliores multò, & ad vitæ munia cuncta habiliores, iis,
qui luxui & deperditæ voluptatum libidini, emancipati; vix
dimidium vitæ suæ assequuntur terminum.

L.

*Vides (ait Poëta) ut pallidus omnis
Cæna desurgat dubia? quin corpus onustum
Hæsternis vitiis animum quoque prægravat unâ,
Atque affigit humo divine particulam auræ.
Alter ubi dicto citiùs, curata sopori
Membra dedit, vegetus, præscripta ad munia surgit.*

LI.

Labor & quies, mediocritatis transfiliens limites, vitæ cursum
abrumpt potentissimè: *Sicut: econtrà moderata exercitatio*, calo-
rem naturalem, ipsamque vitam promovet, & fovet beni-
gnissimè.

LII.

Quatenùs scilicet naturæ opera omnia concoctiones cumprimis
tres, excrementorumq; ex corpore excussiones adjuvat & perficit,
quas in vitâ sedentariâ & otio deditâ, impediri, quàm est cer-
tissimum.

LIII.

Vt autem laboris, ita & vigiliarum excessus, (quatenus per
hunc, Somno, animalium functionum feriis quasi & quiete impedita,
Vires animæ exolvuntur, humidumq; nativum consumitur) ad vitam
parùm opportunus.

LIV.

Sic qui Epimenideo velut somno profundiore obruti, dor-

miendo, cum gliribus quasi decertant, superfluitates excrementitias, (*à quibus radicalis humor squalidus & impurior redditur*) dum congerunt, mortem sibi accelerant.

L V.

De intempestivâ, nimiaq; Venere quid dicam? sanè & humido radicali & hujus soboli vitæ, noxas omninò infert illa, irreparabiles, dum corpus exiccat, nervos enervat, viresq; Animæ cunctas dejicit & resolvit, quæ forsan ratio, quòd passeris masculi, brevioris multò vitæ sunt, ipsis fœminis.

L V I.

Eodem modo incommodant vitæ, & plus nimis humorem nativum consumunt, omnis uberior justo evacuatio, universalis, particularis, hæmorrhagia e. g. diarrhœa, sudor, &c.

L V I I.

Nec alia est ratio animi pathematum, *moderatum e. g. gaudium*, calidum nativum, vitalem quin & sanguinem, ac spiritus, ex corde, per arterias in universum corpus deducens, & proliciens idipsum vivificat omnino & vegetat, *ast letitia eadem exuperans*, calore & spiritibus vitalibus confertim exhalantibus, syncopem & mortem repentinam inducit frequentissimè.

L I I X.

Similiter, curæ immoderatiores, metus & tristitia longo tempore perseverans, motibus inordinatissimis, cor exagitando, calorem insitum suffocat, spiritusque dissipat: unde, *marasmus, macies, & præmatura sequitur mors.*

L I X.

Ex quibus liquet: Res non naturales septem: *opportunè* quidem adhibitas, prolongare, *sinistrè autem* usurpatas, destruere & perimere vitam.

L X.

Imprimis cùm constet, quòd ob totius certorùmve viscerum vitium, *qui naturâ debiles sunt & valetudinarii*, ob exactum tamen vitæ regimen, diutiùs plerumque, aliis exquisitè sanis, vivant.

L X I.

Et vicissim, quòd *naturâ validi* crebriùs præmaturâ morte abripiantur,

ripiantur, nempe quòd corporis robore freti, de vita & viribus muniendis, minimè solliciti, impunè genio suo aliquandiù indulgentes & in salubrem Medicinam impingentes, tandem, *ehu!* ex inopinato demetuntur.

LXII.

Hactenùs *Vitæ*, hujusq; accidentium, vivacitatis & vitæ brevitatæ essentiam, subjectum, & potiores recensuimus causas effectrices, de *Morte*, quæ vitam excipit, & umbra velut, corpus immediatè sequitur: in specie, addenda quædam restant.

LXIII.

Omnium Animæ, animatiq; corporis functionum, Mors est cessatio, ob nativi caloris extinctionē in primis, dissipationem item humidi radicalis, Animæ denique ex corpore discessum, & compositi dissolutionem, facta.

LXIV.

Diximus *Mortem*, omnium Animæ functionum esse privationem, ad differentiam Syncopis, Somni, & Affectuum sopororum.

LXV.

In somno equidem, animales feriantur quasi & cessant actiones, *Intellectus* putà, *Sensus* & *Motus arbitrarii*.

LXVI.

Pulsatilis virtus, per quietem, inter singulas arteriarum diastolas & systolas, quæ intercedit refocillatur; *Alterna similiter illæ* naturalium actionum vicissitudines, quatenùs, una agente facultate, altera otatur, Naturalis anima, ne exolvatur, impediunt.

LXVII.

Omnem denique actionem, in quietem terminari oportet: *Sola interim Mors*, universalissima quies, omnes cessare facit, finit & concindit, animati corporis functiones.

LXIX.

Causæ mortis, ex prægressis quanquam apertæ sint, doctrinæ causâ tamen, illas distinguimus in *Externas* & *Internas*, & has in Antecedentes & Proximas subdividimus. *Externa Mortis causa*, necessariæ simul & fortuitæ, manifestiores, quàm ut pluribus iterari debeant.

LXIX.

Ad internas antecedentes, referimus cum Galeno, tres illas fatalis nostri interitus, necessitates inevitabiles, quas recenset Gal. in principio statim, l. de tuend. sanit. videlicet, I. generationis nostræ primordiorum contrarietas; II. perpetua in sese invicem illorū actio passio; III. perennis corporis nostri substantiæ dissipatio.

LXX.

Quem in sensum l. c. ita loquitur: licet prædictas causas externas omnes, nos assidue circumstantes, suaq; vi, hūc & illūc traduentes, devitarem summo studio, nec ullus earum immineret appulsus, ob ipsorum tamen generationis nostræ principiorum sese mutuo hebetantium contrarietatem, in viventibus perpetuo exerentem sese eorundem propter conflictum mutuum, assiduūq; corporum nostrorum fluorem, decursu ætatis, à primæva laudabili constitutione, sensim in ignobiliorem contendentes, plus, plusq; siccati, labascimur, & demum satis superq; labefactati, corruimus.

LXXI.

Hinc irrequieta illa, viventium corporum immutatio, hinc caloris insiti, humidique primigenii irreparabilis jactura, hinc inevitabilis animalium interitus manat necessitas; quæ si exquisitissima vivendi lege præcaveri posset, perpetuari utique posset, animans.

LXXII.

Est perpetuum, propter calidi, in humidum actionem, hujusque paulatinam consumptionem, fit, ut nihil quidquam toto hoc in universo reperiatur, quod perpetuo, eodem persistat in statu, sed uniuscujusque vita, tempus determinatum habeat, & ita antecedentes mortis causæ habent sese.

LXXIII.

Proxima ejusdem interitus causa in Definitione proposita: est totalis humidi consumptio, & insiti caloris extinctio, quam immediatè Animæ ex corpore excipit discessus, & mixti dissolutio.

LXXIV.

Nimirum calore insito, Animæ administro principalissimo, illius, quin & corporis, vinculo velut ac nexu arctissimo, intereunte, Animam in corpore permanere est impossibile.

LXXV.

LXXV.

Et quæ sublatâ mixti permixtione & harmonia, (*calore s. insi-*
to) mixtum constare amplius posset?

LXXVI.

Extinguitur porrò calor *insitus*, aut per se aut per accidens, per se
quidem, à contrariâ sibi ambientis aëris, aquæ, & omnis generis
assumtorum impensissimâ frigiditate.

LXXVII.

Per accidens autem à causis Externis, Internis.

LXXIIX.

Illis, ut iis quæ vulnerant, contundunt, secant.

LXXIX.

Insuper ob aëris seu defectum (*in strangulatione suffocatione*)
seu, malignitatem (*in pestilentia*) seu immoderatissimam cali-
ditatem, calorem insitum, ad externa immoderatissimè pro-
vocantem.

LXXX.

Deniq; externorum alimentorum propter pravitatem, ino-
piam, & copiam indecètem, ut videre est in Fame & Ingluvie.

LXXXI.

Hiscæ, videlicet nativi caloris *partim* ob inhibitum motum li-
berum (*in venarum & arteriarum interceptione & stipatione ex-*
trema.)

LXXXII.

Partim ob internum pabulum *tùm* nimis adauctum (*in ple-*
thora ad vasa) *tùm* penitus consumptum, quò fit ut nativus ca-
lor, in senibus, perinde ut lucernæ flâma, absumpto oleo spon-
te extinguatur.

LXXXIII.

Quibus positis, simul apparet, nativum calorem omnino e-
lementarem, de Ignis & Aëris Elementi, naturâ, participare.

LXXXIV.

Quæ enim aliàs, tot tamq; variis modis, à substantiis revera
sublunariis, pateretur, & tandem planè superaretur?

LXXXV.

Quibus accedunt, quòd omni ex parte elementari fovetur
alimento, externo interno.

LXXXVI.

Motu sublunaribus corporibus proprio, movetur simplici recto.

LXXXVII.

Ejus qualitas & quantitas, pro ætatum, anni temporum, ærisque constitutionum varietate, varians: tactus auxilio apprimè dignosci possit.

LXXXIIX.

Quod sanè, (*ætherea ipsius si esset substantia*) fieri nullo modo posset: Cùm Aristot. ex sententia, quæ in sese vicissim agunt & patiuntur, subjectam naturam obtineant congenerem.

LXXXIX.

Liquet etiam ex prædictis, duplex esse omne mortis genus, omnemque Mortem, Violentam esse aut Naturalem.

XC.

*Ill*a, à forinsecùs corpus subeuntibus; *Hæ*c, ipso in animante consistentibus à causis, oritur.

XCI.

Contingit ergo Naturalis mors, ob vitalis calidi & humidii primigenii, defectum ac extinctionem.

XCII.

In *Plantis*, ariditas, in *Animalibus*, senectus vocitatur, indolens planè, & insensilis.

XCIII.

Sola enim illa, quæ violenter affatim & p.n. in nobis fit passio, molesta est & dolorosa, ut Plato scribit in Timæo.

XCIV.

Naturalis dicitur, quòd absente omni vi externa & violenta, ipsam rei quæ moritur naturam, consequatur; adeoq; ex causis in eadem re comprehensis, communem juxta naturæ cursum, fiat.

XCV.

In *violenta Morte*, neutiquam paulatim imminutus evanescit, sed repentè, externis à principiis evertitur, calor.

XCVI.

Ejus si eventus fortuitos spectes, innumerabilia: causas autem propin-

*propinquas si respicias, duo potissima constituuntur genera: Maran-
sis & Sbesis, sive Marcor & Extinctio.*

XC VII.

*Marans violenta, ad Marasmi senilis differentiam, sic dicta, fit
in vaporis e. g. ubi summa à caliditate ambientis aëris, vivi-
ficus calor intenditur, intensior redditus proprio seipsum qua-
si jugulat gladio, atque ad ambitum corporis violenter protra-
ctus, suffocatur ibi & supprimitur.*

XCII X.

*In Sbesi econtrà, à contrario frigore, calor pessundatur, & evin-
citur in illis e. g. qui hyberno tempore, nivosas pertranseunt al-
pes aut in æstate, sub caniculâ sitim restincturi, frigidiorum af-
fatim hauriunt aquam.*

XCIX.

*Denique in omnis generis morbis frigidioribus, calorem indies ex-
tingui & evinci, quotidiana comprobatur experientia.*

C.

Et hæc quidem de Vita & Morte, utriusque item adjunctis
& causis, ad disputandum pro intelligentiæ meæ modulo pro-
ferre placuit. DEO TER OPTIMO MAXIMO VITÆ INDE-
FICIENTIS AUCTORI, LUMINUMQUE PATRI, SIT
LAUS, HONOR ET GLORIA IN
SECU LA SECU LORUM.

F I N I S.



Quæritur:

1. *Sola'ne vivunt animantia?*
2. *Vivunt ne Spiritus, humores, pili, ungues, &c.?*
3. *Solus ne Calor, Vita auctor, conservator?*
4. *Qui ergo frigidissima vivunt gressilia, & æstuosissima, vitâ carent, subterranea?*
5. *Calidum ne & Humidum, an potius Cor, Vita sit principiû?*
6. *An ergo, Vitam habent, Corde, quæcunque destituuntur insecta, vegetabilia?*
7. *Calor & humiditas, in viventibus, cujus naturæ sunt & originis? Specie, an differunt?*
8. *Si homo temperatissimus, quidni etiam animantium omnium vivacissimus? quidni cæterorum ad-instar animalium, uterum egressus; confestim in pedes sese attollat, & incedat?*
9. *Longævitatis causa, an fellis est absentia? Signum, an dentium robur?*
10. *Hoc seculo, cur brevius, quàm Protoplasti Adami temporibus, vivitur?*
11. *Hic, vitalis arboris fructum, frui si potuisset, num in perpetuum vixisset?*
12. *Hominis Vita, arte Medicâ, an prolongari potest?*
13. *Potest ne, absq; Respiratione, Cibo item & Potu, Vita conservari?*
14. *An necessario animal moritur?* (servari?)
15. *Quæ, fatalis interitus nostri, veræ sunt causæ?*
16. *Mortis tempus & terminus, verè ne prædici potest, præsciri, & præteriri?*
17. *Utrum, morientes, reverâ, & necessario doleant?*
18. *Num Cor, ultimum moriens?*
19. *Exempto corde, an confestim mors sequitur?*
20. *Quod nam, ex visceribus principibus, potiore, ad vitam & mortem, confert vim?*

Μὲν τῷ Θεῷ δόξα.

Nobili, & Ornatissimo

D. IOHANNI PFANNERO,
AUSTRIO, JUVENI, GENIO ET IN-
genio florentis. Myſtæ Apollinæo,
DE VITA ET MORTE,
Rauracûm in Athenæo

Ὡς λόγος ἔχει μελήσοντι,
gratulantur & applaudunt Amici.

VITA quid hæc nostra est? quid VITÆ terminus
instans?

Hæc lege, Pfannerus quæ pandit dogmata: punctum
Qui tenet omne, Choro Phœbi applaudēte, recludit
Dum Vitæ, Mortisq; vices, quibus angimur omnes.

GREGOR. HORSTIVS D. Reipub. Vlmensis Archiater.

VT Corpus valeat, Mentem sapientia tingat;
Mens, manibus certam sacra, ministrat opem.

Mente senex IANE esse cupis, florente iuventa

Nec fuco tingis, sed Ratione comas

Fronte verecundus nites, & pectore frugi

Hæc, Virtus & Honos, arce, perennis ovat.

Quod probat insignis tua Dissertatio testis:

Quâ, quid sit monstras, Vitaque Morsque simul.

Quod opus haud juvenum est, opus est sed in arte peritum

Judiciumq; sapit, hocce virile tuum.

In vita stadio, Mortis qui spicula pensat,

Mortiferam, moriens non videt ille diem:

Enthea, sublimem, sed mens conscendit Olympum.

Hic tibi & in Vita, Morteque portus erit.

E. STUPANVS D. & Profes. Medicinæ ordinar.

Praedoctis placuisse Viris, laudabile certè est:

Doctrinâ aquare hos, est mage laudis opus.
Fortiter ergo tuis, PFANNERE, insistere captis

Perge: tuum victrix palma coronet opus.
Vive diu, sed vive Deo: discrimina mortis
Sperne: graves morbos pelle: perennis eris.

M. JOHANNES BVXTORFIVS
Linguae sanctæ Prof.

Quid vita? est fragilis: quid forma? est fluxa:
quid aurum?

Est liquidū: quid homo? est ventus, & aura levis.
Ergo quid est certum? Mors rerum certa ruina,
Imperio cujus, cuncta parere jubet.
Quam velle effugere, est stultum, quam velle timere,
Est miserum, solus, sola medela, DEVS.
Nec mirum, superest splendenti splendida sedes,
Terra parum splendet, possidet ergo polum.

Augustæ Vindelicorum, scripsit memoria ergò

ELIAS EHINGER, Augustani Gymnasii Rector
& Bibliothecarius, postridie Palmarum, D.
M D C XXVIII.

Qui benè PRO vita, CONTRA qui funera dextrè
Disputat, is, laudem cur mereatur, habet.

Non ita tu partes dirimis, Pfannere: disertas
Sed benè PRO membro scribis utroque theses.
Has ut defendas benè, comprecor. hinc tibi Vita,
Hinc tibi debebit Mors etiam ipsa decus.
Dum superes, Vitæ maculabit adorea. Vitâ
Exieris; nomen nobile Morta dabit.

Ita ominabatur benevolenti affectu

SEBAST. STROMAJER M. D. Reipubl. Vlmensis
Patriæ Physicus Ordinarius.

PFANNERE Aonios flos nobilis inter alumnos,
Quem BASILEA suo suscipit ampla sinu.
Nunc iterum ingenii ille tui sese exerit ardor,
Illaque vis vivax indolis alta tuæ.
Acer Academiae dum publica pulpita scandis,
Et Medicum gaudes enucleare sophos:
Hoc faveo decus, & tantum tibi grator honorem,
Atque Tibi atque Tuis id voveo esse BONUM!
Pergere perge viam hanc, contentos ritè labores,
Atque animi nervos clara brabeja manent.
Ingeniiq; solo te felix ala levabit,
Et gignet famæ secula multa tuæ.
Urge opus, ac insta Medicam meruisse Tiaram,
Quam capiti imponet tum BASILEA tuo.

Ὁ ἐμὸς ἔρως ἐς αὐράται.

AMOR meus crucifixus est.

In cruce fixus amor meus est.

M. Ulrichus Schmidt, Ecclesiæ ULMENSIS Pa-
triae in summo Templo Verbi divini Minister,
& Hebr. Græcæq; Lingg. Prof. publ.

HActenus in Themidos sacro Eunomiesq; recessu
Sudaesti, & prisca multus in Historia:

Nunc placet ante alias Serpens Epidaurius artes,
Et Cous primas, ac Aretæus habent.

Culpet id haud nemo: falso culpæ docebo.

Quippe ordo studii nobilis ille placet:

Cùm primas animus, corpus Cùm deinde secundas
Obtinet, ac tempus fervet utrique suum.

Tu, quæ prima, prius; quæ deinde secunda, secutus
Posteriùs, membro laudem ab utroque feres.

Quæq; paras Vitæ scitamenta, atque sororum

Trigæ, quo Vitæ volvere fila solent:

Illa tibi Vitam producent: ipsaq; Parca,

Vivere te, vel post fila resecta, volet.

Εὐνοικῶς πάλιν d. J. B. Hebenstreitt.

Quid MORS sit, quid VITA, docens; quæ causæ utriusque;
Quæ bona, quæ mala sint; quot comitentur ea;
Totius Artis opes medicæ, secretaq; prodis;
Seu magis ingenii munera rara tui.
Munera, crede mihi, rara isthoc flore juvenæ,
Quanta senescenti tempore vix alii.
Perge ita, in exilio constantis magna Parentis
Spes, reliquasq; brevi promito mentis opes.
Disputa, & hoc felix certamen nobile certa:
Nec dubita; Fama hinc gestit abire domum.
Te plura ora legent, & secum plurimus hospes
Ad patrias sedes hinc tua scripta feret.
Nunc age, & has ipsas, memoras quas ordine, causas
Exsequere; aut remove voce, manu, calamo.
Telaq; protela diræ velocia Mortis,
Atque retardato tartarei ora Canis.
Balsama tabidulis Vitæ pretiosa foveto:
Sic Vitâ clarus, Morteque semper eris:
Vitâ, tutando Vitam; tùm Morte, fugando
Mortem, præscriptos à Deo ad usque dies.
Ille DEVS, Vitæ Mortisque ille Arbiter, horæ
Ducat in immensum fila suprema tuæ:
Ne tam præcipiti veniant tua Fata volatu;
Atque ita spes maneat nostra, Patris, Patriæ.

Boni ominis ergò P.

JOHANNES MELDER, Ulmenfis,
Medic. Studios.

